

**АЛБАН ТОМИЛОЛТ, ЧӨЛӨӨГӨӨР ЯВАА ЦЭРГИЙН АЛБА ХААГЧИЙГ БҮРТГЭХ ЖУРАМ****Нийтлэг үндэслэл**

1. Албан томилолт, чөлөөгөөр яваа цэргийн алба хаагч нь очих газартаа ирмэгц, хүрээний цэргийн зохицуулагч /Цэргийн штаб/-д бүртгүүлж, буцахын өмнө бүртгэлээс хасуулна. Цэргийн ангид албан томилолтоор очсон цэргийн алба хаагч тэр ангидаа бүртгүүлж, албан томилолтын хуудсанд ирсэн, буцсан тухайгаа тэмдэглүүлж, тэмдэг даруулсан байна.

2. Албан томилолт, чөлөөгөөр яваа цэргийн алба хаагч амралт, томилолтын хуудсаа биедээ тогтмол байлгаж дарга, ахлах цолтны шаардлагаар тэдэнд үзүүлэх үүрэгтэй. Албан томилолт, чөлөөний хугацааг сунгах зөвшөөрөл авсан, өвчний болон бусад шалтгаанаар хугацаандаа буцаж чадахгүй болсон цэргийн алба хаагч энэ тухайгаа тухайн хүрээний цэргийн зохицуулагч, Цэргийн штабт мэдэгдэнэ.

**Албан томилолт, амралтаар яваа цэргийн алба хаагчийн бүртгэл**

Дэс дугаар	Цэргийн цол	Овог нар	Цэргийн ангийн дугаар	Хүрээ /орон нутаг/-нд ирсэн зорилго	Албан томилолтын хуудсанд бүртгүүлсэн өдөр	Амралт, чөлөө, томилолтын хугацааг буцаах өдөр	Ангид аа буцах хугацаа	Салбар тухай тэмдэглэл /шалтгаан хугацаа/	Бүртгэлээс хассан гэмдэгтлэл	Гарын үсэг
1	2	3	4	5	6	7	8	9	10	11

3. Албан томилолт, чөлөөгөөр яваа цэргийн бүх алба хаагч /өвчний учир чөлөөлөгдсөнөөс бусад/ дайчилгаа зарлах үед тусгай захирамж хүлээлгүйгээр бүртгэлээс хасуулж, алба хаадаг ангидаа нэн даруй буцах үүрэгтэй. Өвчний учир чөлөөтэй байгаа хүмүүс Цэргийн штабт очиж магадлагаа гаргуулах бөгөөд эрүүл мэндийн хувьд биеэр очих боломжгүй бол эмчийн магадлагааг хавсаргасан бичгээр мэдэгдэнэ.

4. Албан томилолт, чөлөөгөөр ирсэн цэргийн алба хаагчийг бүртгэхийн тулд цэргийн зохицуулагч, Цэргийн штаб маягт бүхий дэвтэр хөтөлнө.

5. Цэргийн зохицуулагч нь хүрээний бүх анги, байгууллага, цэргийн сургууль /тусгай салбар, баг/-ийн бүртгэлийг тогтоосон журмын дагуу хөтөлнө.

Захирагч /дарга/ нар өөр цэргийн хүрээний харъяа дүүрэг буюу түүний ойролцоо газарт цэргийн анги /салбар, баг/-ийг явуулбал энэ тухайгаа очих цэргийн хүрээний даргад урьдчилан мэдэгдэх үүрэгтэй. Анги, салбар /баг/-ын захирагч /ахлаач/ заасан газарт ирсэн тухайгаа тухайн хүрээний даргад илтгэж, тэр өдрөө тухайн цэргийн хүрээний зохицуулагчид бүртгүүлэх үүрэгтэй.